



Чоршанба

# Mahalla

Газета 1996 йил январь оидан чиқа бошлаган

Ўзбекистон Оқсоқоллар кенгаши, «Маҳалла» жамғармасининг нашри

Чоршанба кунлари чиқади

- 2 "Алпомиш"ни йўлга солган тадбиркор.
- 3 Қонунбузарларнинг югургани... чегарагача!
- 4 Улоқчи чавандоз "таассуроти"
- Муҳаббатнинг озори шунчами?
- Фанимат экансиз, Фароғат момо
- "Ойдинда ётганинг қани, оқ илон?.."

Тошкент вилояти



**САЙЛОВГА ОИД АДАБИЁТЛАР ТАҚДИМОТИ**

Сайловнинг дунёдаги барча мамлакатлар учун умумий, айна чоғда ҳар бир давлатга хос ва мос мезонлари мавжуд. Сайловчиларнинг сайлов ҳуқуқи маданиятини шакллантириш бу борадаги билимларни кенг тарғиб этишдан иборат.

Ўзбекистон Республикаси Олий Мажлиси Қонунчилик палатасига ҳамда маҳаллий халқ депутатлари Кенгашлари га бўладиган сайловларга ҳозирлик кўриши билан боғлиқ тадбирларда барча фуқароларнинг ўзини ўзи бошқариш органлари, яъни қишлоқ ва маҳалла йиғинлари ҳам ташкилотчи сифатида қатнашмоқдалар.

**СУРАТДА:** Янгийўл шаҳридаги 201-сайлов участкаси комиссияси раиси Муқаддас Раимжоновна (чапдан биринчи), Муқимий номли маҳалла фуқаролар йиғини раиси, комиссия аъзоси Дилором Рашидова (ўнгда), маҳалла фаоллари ва аъзолар Ольга Исаева ҳамда Хошим Тошметовлар.

**Р.ГАЛИЕВ олган сурат.**

Мустақил депутатлар институтини такомиллаштириш — мамлакатимизда замонавий профессионал парламентаризм ва кучли фуқаролик жамиятини шакллантиришнинг муҳим омилларидан биридир. Тошкентда ўтган «Ташаббускор гуруҳларнинг сайлов жараёни давридаги фаолияти» мавзусидаги халқаро семинарда шу ҳақда сўз юртилади.

Ушбу анжуман Ўзбекистон Миллий университети томонидан Мустақил номзодларни қўллаб-қувватлаш маркази, Марказий сайлов комиссияси ва Фуқаролик жамиятини ўрганиш институти билан биргаликда ташкил этилди. Семинарда халқаро ташкилотлар экспертлари, хорижий дипломатлар, Буюк Британия, Германия, Хиндистон, Қозғистон, Польша, Россия, АКШ, Франция, Жанубий Кореядан сайлов қонунчилиги бўйича мутахассислар, сайловчилар ташаббускор гуруҳларидан сайланган Олий Мажлис депутатлари, сиёсий партиялар, жамоат бирлашмалари ва фуқароларнинг ўзини ўзи бошқариш органлари етакчилари, фаоллари, мамлакатимиз ва чет эл оммавий ахборот воситалари вакиллари иштирок этдилар.

Депутатликка номзодларга, сиёсий партияларга, мустақил ташаббускор гуруҳларга Марказий сайлов комиссияси томонидан белгиланадиган тартибда оммавий ахборот воситаларидан фойдаланишда тенг ҳуқуқ берилади. Сайловчиларнинг йиғилишлари участка сайлов комиссияси томонидан барча номзодлар учун мутлақ тенг шaroитларга риоя этилган ҳолда ташкил қилинади.

**Ўзбекистон Республикасининг "Ўзбекистон Республикаси Олий Мажлисига сайлов тўғрисида"ги Қонунининг 27-моддасидан**

## ФУҚАРОЛАРНИНГ ТАШАББУСКОР ГУРУҲЛАРИ ВА САЙЛОВЛАР

2-саҳифага

## ДЎСТЛИК ХИЁБОНИ

унда қад ростлаган Махтумқули ҳайкали ўзбек ва туркман халқлари ўртасидаги дўстлик -биродарлик рамзидир

**Тарихи ва маданияти чамбарчас боғланган, тили ва дини бир бўлган ўзбек ва туркман халқлари мишг йиллар давомида ёнма-ён яшаб келади. Истиқлолга эришгандан сўнг бу икки қардош халқ ўртасидаги оға-ини, биродарлик алоқалари янада мустаҳкамланди.**

Хусусан, Ўзбекистон ва Туркманистон раҳбарлари ўртасида кейинги йилларда бир неча бор олий даражадаги учрашувлар ўтказилди. 1997 йилда Туркманистон Президенти Сапармурот Ниязовнинг юртимизга қилган ана шундай расмий ташрифи асносида Хива шаҳрида буюк туркман шоири ва мутафаккири Махтумқулининг ҳайкали очилган эди. Бугун ушбу ҳайкал ўзбек ва туркман халқлари дўстлигининг рамзи бўлиб турибди.

...Хар гал Махтумқули ҳайкали ўрнатилган хиббон ёнидан ўтаётиб умр, ҳаёт, турмуш ташвишларию кувончлари ҳақида хаблларга берилмаган. Шу пайт қутилмаган мўъжиза рўй беради: кулогим

остида ҳали мен англаб етмаган ҳақиқатлар баралла эшитила бошлайди:

**...Қаноатда, иззатда тут ўзингни, Таъма қилиб сарғайтирма юзингни. Ҳар номарда равзо кўрма сўзингни, Сўзингни биринчи йиққанча бўлас...**

Ҳа, бу зот шарафига бунёд этилган ҳайкал ва унинг атрофида ташкил этилган хиббон икки халқ дўстлигининг рамзи, маънавияти, маданияти, тақдири туташ эканлигининг ёрқин ифодаси бўлди. Бу дўстлик хиббони қадим Хива кўрқига кўрк кўшди. Ҳайкалнинг республикаимиздаги энг кўна билим маскани — педагогика касб-хунара коллежи биноси

олдида қад ростланганлигининг ўзида ажиб ҳикмат бор. Хивага 47 йил хонлик қилган шоҳ ва шоир Муҳаммад Раҳим-хон Феруз мангу макон топан Сайлид Рўзи Моҳи Жаҳон макбараси ҳам билим даргоҳи билан ёнма-ён жойлашган. Уртада Махтумқули ҳайкали қад ростлагани эса нур устига аъло нур бўлди. Улуғ зотлар ўзларидан ажойиб боғ-роғлар қолдирганлар, юртининг кўркям бўлиши йўлида фидойилик қилишган. Шу улуг инсонлар руҳини шод қилиш мақсадида бу ерда ажойиб боғ ташкил қилинди. Боққа Хоразм воҳасининг шаҳар-қишлоқларидан ва Туркманистондан беш мингдан ортиқ мевали, манзарали дарахт кўчталари, гуллар келтириб қўшилди. Бу ҳайрли ишларда икки қадимий халқлар фарзандлари ҳам бевосита қатнашдилар. Кенгайиб, тобора фойзиеб бўлиб бораётган бу хиббон ва боғ ўзига хос дўстлик, меҳр-оқибат гўшаси ҳамдир. Айна пайтда хиббонга туташ яна бир кўна табарруқ

маскан — Маъмур Академиясининг минг йиллигини халқро микёсда кенг нишонлашга тараддуқ қурилатганлиги ҳам Махтумқули орзу-умидлари рўёбидан далолат.

...Ҳайкал пойида фаввораларнинг зилол сувлари тўқинланади, айниқса, оқшом чоғида ёрқин чироклар оғушида шоир ҳайкали янада салобат билан кўзга ташланади. Бу ерда дўстлик кечалари, соз-суҳбат, мушоиралар ўтказиш одат тусига кирган. Шунингдек, ёшлар "Бахт уйи"дан чиқиб яхши ниятлар билан Махтумқули ҳайкали пойига гулчамбарлар қўядилар. Келин-куёвлар гўё улуг шоирдан оқ фотиҳа олиб, тинчлик, дўстлиқни қадрлашга, бир умр кўша қариб, улуг ишлар бошида туришга аҳду паймон қиладилар.

Жорий йилнинг 19 ноябрь кунлари Ўзбекистон ва Туркманистон — икки қардош мамлакат раҳбарлари Бухорои шарифда учрашдилар. Олий даражадаги бу учрашув Ўзбекистон ва Туркманистоннинг ҳамкорлиги йўлидаги интилишлари муштарак эканлигини кўрсатди.

**Абдулла САФОВЕВ, "Mahalla" муҳбири.**

**"Mahalla" хабарлари**  
Қорақалпоғистон Республикаси

**ТАБИАТ МУҲОФАЗАСИ ВА ТАДБИРКОРЛИК**

Яқинда Нукус шаҳрида "Маҳалла: тадбиркорликни ривожлантириш ва атроф-муҳит муҳофазаси" мавзусида семинар-тренинг бўлиб ўтди. Унда "Маҳалла" жамғармаси туман бўлинмалари раислари, маҳалла оқсоқоллари, турли корхона ва ташкилотлар мавсуа ходимлари иштирок этди.

Семинарда сўзга чиққанлар тадбиркорлик ва атроф муҳитни ҳимоя қилишга оид қонунчилик асослари, маҳаллаларда тадбиркорлик имкониятлари ва экология муҳофазаси, кичик бизнес вакиллари солиққа тортиш, кредитлар, лизинг, грантлар, маҳаллаларни обodonлаштириш имкониятлари каби мавзуларда маъруза қилдилар.

Тадбирда Ўзбекистон Оқсоқоллар кенгаши ва "Маҳалла" жамғармаси Республика бошқаруви раиси ўринбосари Неймат Абдуллаев ва Қорақалпоғистон Республикаси Оқсоқоллар кенгаши ва "Маҳалла" жамғармаси Республика бўлими раиси ўринбой Мадийрлар қатнашди.

**Собир ҚОЗОКОВ, "Mahalla" муҳбири.**

**Қашқадарё вилояти**

**МАҲАЛЛА ВА ҚОНУНЧИЛИК**

Вилоят Оқсоқоллар кенгаши ва "Маҳалла" жамғармаси вилоят бўлими ташаббуси билан Қарши туманида "Фуқароларнинг ўзини ўзи бошқариш органлари тўғрисида"ги Ўзбекистон Республикаси Қонуни, "Меҳр ва муруват йили" дастури талабларининг бажарилиши ҳамда жорий йилнинг 26 декабрь кун Олий Мажлисининг Қонунчилик палатасига ва халқ депутатлари вилоят, туман кенгашларига бўлиб ўтадиган сайловларга тайёргарлик юзасидан вилоятда амалга ошириладиган ишлар муҳокамасига бағишланган семинар бўлиб ўтди.

Тадбирда "Маҳалла" жамғармаси туман ва шаҳар бўлинмалари раислари, қишлоқ ва маҳалла оқсоқоллари, маслаҳатчилари ҳамда бошқа мутасадди ташкилотлар вакиллари иштирок этдилар. Семинар кун тартибига ўтган йил охирида фуқаролар йиғинлари га бўлиб ўтган сайловлардан кейинги даврда ўзини ўзи бошқариш тизимидagi ютуқ ва камчиликлар, маҳаллаларда сайловолди тадбирларнинг ўтказилиши билан боғлиқ масалалар қўйилди. Шунингдек, йиғилишда қишлоқ ва маҳалла фуқаролар йиғинлари, хусусан, яқинда иш бошлаган диний-маърифат ва маънавий-ахлоқий тарбия масалалари бўйича маслаҳатчилар фаолиятига доир ҳужжатлар тўпламлари тарқатилди.

Бундай кўча семинарлар Қосон, Муборак, Ғузор туманларида ҳам ўтказилди.

**МУҲБИРИМИЗ.**

**ФАХРИЙЛАР**  
**ФАОЛ БЎЛСА...**

Яқинда Яккабоғ тумани марказидаги "Оталар чойхонаси"да "Маҳалла" жамғармаси вилоят бўлими ташаббуси билан "Оқсоқоллар, бир пиёла чой устида" тадбири бўлиб ўтди.

Тадбирга меҳнат фахрийлари, қишлоқ ва маҳалла фуқаролар йиғинларининг вакиллари, фаоллари тақлиф этилди. Йиғилишда туман ҳокими З.Рўзиев иштирок этди. Тадбирда яқинда Олий Мажлисининг Қонунчилик палатасига бўладиган сайловларга тайёргарлик ишларида оқсоқолларнинг иштироки ҳақида алоҳида сўз юритилди.

Йиғилишда иштирок этган вилоят ва туманининг фахрий раҳбарлари тадбирнинг яхши тайёрланганлиги ва шундай учрашувларни кўпроқ ўтказилиши мақсада мувофиқ эканлигини қайд этдилар.

— Бу каби тадбири биринчи марта ўтказмоқдамиз. Келгусида икки ойда бир марта туманларимизнинг ҳар бирида ташкил этишни режалаштирдик, — деди "Маҳалла" жамғармасининг вилоят бўлими раиси Абдували Сафаров.

**К.ҲАМИДОВ, "Маҳалла" жамғармаси вилоят бўлими ходими.**

**"Обуна — 2005"**

"Mahalla" газетаси — ҳар бир фуқаролар йиғинининг энг яқин, энг мақбул дастёри. Бундан бугун йиғинларнинг ҳар бир фаоли эътироф этади. Шундай экан, "Mahalla"га обуна бўлишни асло пайсалга солманг, азиз муштарий!

**Mahalla**

— Яна нима дейди?  
— Боксчимиз ва шахматчимиз яна голиб, — дейди.

**Юртимиз спортни доғруву**

**РУСТАМ ВА РУСЛАН ЯНА ҒАЛАБА ҚОЗОНДИЛАР**

**Шахмат**  
Жаҳон чемпиони Рустам Қосимжонов 20-21 ноябрь кунлари Испаниянинг Бенидорм шаҳрида тезкор шахмат бўйича ўтказилган халқаро турнирда ажойиб ўйин намойиш қилиб, яна бир бор муҳим мутахассислар эътиборини ўзига қаратди.

Ўзбек халқаро гроссмейстери эллик икки нафар шахматчи қатнашган нуфузли халқаро турнирда етти партиянинг олтиасида ғалаба қозонди ва бир учрашуви дуранг билан якунлади. Етти имкониятдан 6,5 очко жамғариб, биринчи ўринни қўлга киритди. Кейинги ўринлар кубали Гарсиа Перес ҳамда Аргентина вакили Клаудио Минцерага насиб қилди.

Ҳозир ўзбек шахматчиси ФИДЕ рейтингинда энг юқори погонани эгаллаб турган таниқли шахматчи Гарри Каспаров (Россия) билан келаси йилнинг бошида Бирлашган Араб Амирликларининг Дубай шаҳрида бўладиган муҳим ўйинга ҳозирлик кўрмоқда.

**Профессионал бокс**  
Профессионал бокс бўйича юртимиз шарафини муносиб ҳимоя қилаётган ўта оғир вазни чарм қўлқоп устаси — Руслан Чагаев навбатдаги ғалабасини нишонлади.

Германиянинг Куксхаевен шаҳрида ташкил этилган бу галги жангда ўзбекистонлик чарм қўлқоп устаси Хорватия вакили Асмир Войнович билан куч синашди. Беллашулда Русланинг аниқ ва кучли зарбалари хорватиялик боксчини анча қийин аҳволга солиб қўйди. Оқибатда Асмир Войновичнинг мураббийлари тўртинчи раундда рингга оқ сочик ташлаб, ўз шогирдининг мағлубиятини эътироф этишди.

Профессионал рингдаги дастлабки жангини 1997 йилнинг 21 августда ўтказган Руслан Чагаев бугунги кунда кам сонли энгилмас профессионал боксчилардан ҳисобланади. У ўн беш жангдан ўн тўрттасини ўз фойдасига ҳал қилган, бир учрашувида дуранг натижа қайд этилган, ўн икки жангини мuddатидан олдин якунлаган.

**Зоҳир ТОШХЎҲАЕВ, ЎзА шарҳловчиси**

**Mahalla**

Ўзбекистон Республикаси Ташриот манзили: Матбуот ва ахборот Агентлигида 060 рақами билан рўйхатга олинган. Нашр кўрсаткичи: 148

Тел/Факс: — 136-53-93  
Тел/Факс: — 133-44-25  
Масъул котиб: 136-53-75  
Хатлар бўлими: 136-57-62

«М.А.» — белгиси остида реклама-тижорат мақолалари бериллади.  
Муассислар: Ўзбекистон «Маҳалла» хайрия жамғармаси республика бошқаруви, «Mahalla» газетаси таҳририятининг меҳнат жамоаси.





